



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

123. De eadem re.

**urn:nbn:de:hbz:466:1-14622**

præsumatur ammoneo. Sed si quando aliquem in Ecclesia vestra sepeliri conceditis, si quidem parentes ipsius, proximi, vel heredes pro luminaribus sponte quid offerre voluerint, accipere non vetamus. Peti verò aut aliquid exigi omni modo prohibemus; ne, quod valde inreligiosum est, aut venalis, quod absit, dicatur Ecclesia, aut vos de humanis videamini mortibus gratulari, si ex eorum cadaveribus studetis quærere quolibet modo compendium.

De eadem re. *Ex Concilio Meldensi*  
cap. LXXII.

CXXIII. Ut nemo quemlibet mortuum in Ecclesia quasi hereditatio jure, nisi quem Episcopus aut Presbyter pro qualitate conversationis aut vitæ dignum duxerit, sepelire præsumat; nec quisquam ossa cujuslibet mortui de sepulcro suo eicere, aut sepulturam cujusquam temerario ausu quoquo modo violet, sed unumquemque in loculo sibi à Deo parato atque concesso adventum sui judicis præstolari concedat; maximè cum non solum divinæ leges, sed etiam & humanæ, apud humanam rempublicam sepulcrorum violatores reos mortis dijudicent. Sed & neque pro loco sepulturæ, ut verbis sancti Gregorij utamur, pretium de terra concessa putredini quærere & de alieno velle facere luctu compendium aliquo modo tentent. Si quando autem proximi vel heredes sponte aliquid offerre in Ecclesia voluerint in elemosyna defuncti, accipere non vetamus. Peti verò aut aliquid exigi

Capitulare  
Theodulfi c.  
9. Riculf. c.  
19. Ahytonis  
c. 23.  
Burchard. lib.  
3. c. 158.

omnino prohibemus; ne, quod valde inreligiosum est, aut venalis, quod absit, dicatur Ecclesia, aut de humanis mortibus videamur gratulari; si compendium exinde studemus modo quolibet quærere.

Ut nullus in Ecclesia mortuum sepeliat, *Ex Capitulis synodalibus tit. CLVI.*

Lib. 1. Capitular. c. 159.

CXXIV. Ut nullus deinceps in Ecclesia mortuum sepeliat.

De eadem re. *Cap. XLVI.*

Lib. 2. Capitular. c. 47.  
Concil. Arelat. 6. c. 21.

CXXV. Ut de sepeliendis in basilicis mortuis constitutio illa seruetur quæ ab antiquis patribus constituta est.

*Ex Concilio Nannetensi.*

Concil. Nannet. c. 6.  
Burchard. lib. 3. c. 159.

Præcipiendum, secundum canonum auctoritatem, ut de sepulcris & hominibus sepeliendis nihil muneris exigant; nisi fortè qui sepelitur, vivens iusserit Ecclesiæ, in cuius atrio sepelitur, de suis rebus aliquid tribuere, aut etiam post mortem illius, quibus commissum est ejus eleemosynam facere, de rebus illius aliquid dare sponte voluerint. Tamen nullatenus à Presbyteris illis aliquid exigatur, sive ab illis qui locis & vicis præsent. Prohibendum etiam, secundum majorum instituta, ut in Ecclesia nullatenus sepeliantur, sed in atrio aut in porticu aut exedra Ecclesiæ. Infra Ecclesiam verò, aut prope altare, ubi corpus Domini & sanguis conficitur, nullatenus habeant licentiam sepeliendi.

De